

《華嚴經普賢行願品》 補充講表

◎附表十二：以下糅合糅合慈舟大師《普賢行願品親聞記》

○是故若人誦此願者，（糅合《普賢行願品親聞記》）

◆此讚歎普賢菩薩十大行願功德之大。以功德大故，受持讀誦，乃至書寫一偈，即有無量功德。偏舉一行者，偏舉誦之一行也；背本能誦，即兼受持也。

○行於世間，無有障礙，：一切眾生悉應供養。（糅合《普賢行願品親聞記》）

◆增上果者：謂誦此行願為因，果上遇一切善惡境，皆使此行願功德增上。此果有二：

一、惡法不能障此行願故，行願得增，曰：增上。二、善法能與行願之力，曰：增上。

又誦普賢行願功德，即善法加增，是與力之增上果也。「行於世間，無有障礙」者，若誦普賢菩薩十大行願，在世間修行，不為惑業苦三障所障，是不障之增上果也。

○此善男子，善得人身，……具三十二大丈夫相。（糅合《普賢行願品親聞記》）

◆等即同類也，謂因果相等。因誦普賢行願品，故圓滿普賢菩薩所有功德，速得成就微妙色身，具三十二大丈夫之相。即普賢因，得普賢果也。

※《成唯識論觀心法要》卷八云：「平等流類，故名等流；然有二種：一、真。二、似。

一、真等流者，前世習善，今亦生而好善；前世習惡，今亦生而喜惡。：二、似等流者，夙世慈心不害，今感長壽無病；夙世損害眾生，今感短命多病。……種種後果，並隨先業而轉，皆似等流也。」

○若生人天所在之處，常居勝族。（糅合《普賢行願品親聞記》）

◆異熟果者：從因感果，異時成熟、異處成熟、異性成熟也。如前生誦行願之善因，今生受報，曰時異。他處誦行願之善因，此處受報，曰處異。誦行願是善性，所得果是無記性，曰性異。勝族即貴族也，依佛法說，以生佛家，常為佛子，勝他種族曰勝族。

○悉能破壞一切惡趣，……悉能制伏一切外道。（糅合《普賢行願品親聞記》）

◆士即是人，用者力用。如農人耕種工作，所得糧食果報也。約修行說，人以修行功用，所得果報，曰士用果。破壞惡趣，遠離惡友，制伏外道，皆誦普賢行願品之力用，所得果報。

○悉能解脫一切煩惱，如師子王……堪受一切眾生供養。（糅合《普賢行願品親聞記》）

◆離繫果：煩惱能繫縛法身慧命，今能脫離煩惱，即離繫縛；亦誦普賢行願品之善果。

○又復是人，臨命終時，……即得往生，極樂世界。（糅合《普賢行願品輯要疏》）

◆前三行，顯世間有漏果報，所謂萬般將不去。諸根散壞，自身帶不去也；親屬捨離，他身帶不去也；威勢退失，輔相等一切無復相隨，世福帶不去也。後行半，顯出世間無漏德業，所謂唯有願隨身。初句，願王不離；次句，隨時引導；三句，得生淨土。

■臨終一關，最為要緊（《印光大師文鈔》）

※《地藏菩薩本願經》·閻羅王眾讚歎品第八云：「是閻浮提行善之人，臨命終時，亦有百千惡道鬼神，或變作父母乃至諸眷屬，引接亡人，令落惡道，何況本造惡者。」

※《大智度論》卷二十四云：「人命終時，是業來蔭覆其心，如大山映物。是業能與種種身，如工畫師作種種像。若人以正行業，則與好報；若以邪行業，則與惡報。如人事王隨事得報，如是等分別諸業相果報。」

*一、隨念往生

※《大智度論》卷二十四云：「復次，如《分別業經》中，佛告阿難：行惡人好處生；行善人惡處生。阿難言：是事云何？佛言：惡人今世罪業未熟，宿世善業已熟，以是因緣故，今雖為惡而生好處。或臨死時善心心數法生，是因緣故亦生好處。行善人生惡處者，今世善未熟，過去世惡已熟，以是因緣故，今雖為善而生惡處。或臨死時不善心心數法生，是因緣故亦生惡處。」

問曰：熟不熟義可爾，臨死時少許時心，云何能勝終身行力？

答曰：是心雖時頃少，而心力猛利，如火如毒雖少，能成大事。是垂

死時，心決定猛健故，勝百歲行力。」

*二、隨業（習）往生

○到已，即見阿彌陀佛，……其人自見生蓮華中，蒙佛授記。

◆別明勝果，即修普賢行願勝因之勝果報也。報有現報，即現世果報；有生報，即來世果報；有後報，即久遠果報。此生報也，又名異熟果，如前已釋。……「其人」，即誦

《普賢行願品》之人。因誦普賢行願品功德，報終彈指之頃，即於西方蓮花化生。自見從蓮花化生已，即蒙佛授記，當來於某世界成佛。……大家念佛求生西方，以誦

《普賢行願品》為助行，正助合行，決定得生極樂世界。

○以智慧力，隨眾生心而為利益。（糅合《普賢行願品親聞記》）

◆利益眾生，要須智慧，方能應機設化。眾生為所隨，智慧是能隨，故云：以智慧力，隨眾生心而為利益。

○不久當坐菩提道場，……未來劫海，廣能利益一切眾生。

◆誦普賢行願品，速得成佛。但說久，不可執著定長；說不久，不可執著定短。說不久，是攝受語；說久，是折伏語。普賢菩薩行願廣大，願久行菩薩行。若有眾生應見佛時，未嘗不現佛身；然皆幻化，無眾生相，不妨度幻化眾生；無佛相，不妨成幻化佛。「轉妙法輪」，即宏法利生，隨眾生根器而利益之。未來劫海無窮盡，而廣行利益眾生，亦無窮盡。

○彼諸眾生，若聞若信此大願王……除佛世尊，餘無知者。

◆結持經勝德，勸受持也。前已偏舉諷誦一行，通明五果。今略舉眾行，即書寫、供養、轉施、聽聞、披讀、受持、演說、諷誦、思惟、修習。十中，舉四略六，曰受持、讀、誦、廣為演說。如此種種功德，隨有其一，唯佛與佛乃能究竟知也。眾生不知，三乘知不究竟，故曰：餘無知者。